

唐
音
統
籤

戊籤餘二十九徐鉉之五

唐音統籤卷

七百七十七

五言絕句

觀人讀春秋

日覺儒風薄誰將霸道羞
亂臣無所懼何用讀春秋

天闕山絕句

散誕愛山客淒涼懷古心
寒風天闕晚盡日倚軒吟

行園樹

松節寒霜久蓬根速吹頻
羣生各有性桃李但爭

春

題雷公井

揜雷愚公谷蕭寥羽客家俗人知處所應爲有桃花

離歌辭五首

莫折紅芳樹但斗知盡意看狂風幸無意那忍折教殘

敷朝日城南路旌旗照綠蕪使君何處去桑下覓羅敷

事與年俱往情將分共深莫驚容鬢改只是舊時

心

誓別勞相送佳期願莫違
朱顏不須老留取待郎
歸

拂匣收珠佩迴燈拭薄粧
莫嫌春夜短匹似楚襄
王

清明日清遠峽作

嶺外春過半途烽火又新殷
勤清遠峽留戀北歸

自題山亭三首

簪組非無累園林未是歸
世喧長不到何必故山

薇

小舫行乘月高齋臥看山退公聊自足爭敢望長
閒

跋石仍臨水披襟復挂冠機心忘未得碁局與魚
竿

北苑侍宴雜詠詩

竹

勁節生宮苑虛心奉豫遊自然名價重不羨渭川
侯

松

細韻風中遠寒青雪後濃繁陰堪避雨効用待東封

水

碧草垂低岸東風起細波橫汾從遊宴何謝到天

河

風

昨朝纔解凍今日又開花帝力無人識誰知玩物華

菊

細麗披金彩氛氲散遠馨汎杯頻奉賜綠解剩顏

六言絕句

景陽臺懷古

後主亡家不悔江南異代長
春今日景陽臺上聞
人何用傷神

七言絕句

春夜月

幽人春望本多情
况是花繁月正明
竟夕無言亦
無寐繞堦芳草影
隨行

走筆送義興令趙宣輔

聞君孤棹汎荆谿隴首雲隨別恨飛
杜牧舊居憑買取他年藜杖願同歸

九月十一日寄陳郎中

我多吏事君多病寂絕過從又幾人
前日龍山煙景好風前落帽是何人

立秋後一日與朱舍人同直

一宿秋風未覺涼數聲宮漏日猶長
林泉無計消殘暑虛向華池費稻粱

游方山宿李道士房

從來未面李先生借我西窓臥月明
二十三家同

願識素驛何日暫還城

柳枝辭十二首

把酒憑君唱柳枝也從絲管遞相隨
逢春只合朝朝醉記取秋風落葉時

南園日暮起春風吹散楊花雪滿空
不惜楊花飛也得愁君老盡臉邊紅

陌上朱門柳映花簾鉤半卷綠陰斜
憑郎暫駐青驄馬此是錢塘小小家

夾岸朱欄柳映樓綠波平滸
花流歌聲不出長條密忽地風迴見綠舟

老大逢春總恨春，綠楊陰裏最愁人。
舊游一別無因見，嫩葉如眉處處新。

濛濛堤畔柳含煙，疑是陽和二月天。
醉裏不知時節改，漫隨兒女打鞦韆。

水閣春來乍減寒，曉粧初罷倚欄干。
長條亂拂春波動，不許佳人照影看。

柳岸煙昏醉裏歸，不知深處有芳菲。
重來已見花飄盡，唯有黃鸝轉樹飛。

此去仙源不是遙，垂楊深處有朱橋。
共君同過朱橋去，密映垂楊聽洞簫。

暫別楊州十度春不知光景屬何人一帆歸客千
條柳腸斷東風楊子津

仙樂春來索舞腰清聲偏似傍嬌嬈應緣鴛舌多
情賴長向變成說翠條
鳳笙臨檻不能吹舞袖當筵亦自疑唯有美人多
意緒解衣芳態畫雙眉

經東都太子橋

綸闈放逐知何道桂苑風流且暫歸莫問升仙橋
上客身謀踈拙舊心違

送客至城西望圖山因寄浙西府中

枚叟鄒生笑語同莫嗟江上聽秋風君看逐客思
鄉處猶在圖山更向東

送寫真成處士入京

傳神蹤迹本來高澤畔形容媿彩毫京邑功臣多
佇望凌煙閣上莫辭勞

附書與鍾郎中因寄京妓越賓

暮春橋下手封書

海陵
橋名

寄向南江問越姑不道諸

郎少歡笑經年相別憶儂無

留題仙觀

瑤壇醮罷晚雲開羽客分飛俗士迴爲報移文不

唐音統籤

卷七百七十七

六

戊

須勒未曾游處待重來

奉命南使經彭澤

值王明府不在留此

遠使程途未一分離心常要醉醺醺那堪彭澤門
前立黃菊蕭疎不見君

閣阜山

殿影高低雲揜映松陰繚繞步徘徊從今莫厭簪
裾累不是乘輶不得來

朱處士相與有山水之願見送至南康作此
以別之

隣君送我至南康更憶梅花庾嶺芳多少仙山某

遊在願君百歲尚康強

和賈員外馥見贈玉蘂花栽

瓊瑤一簇帶花來，便斲蒼苔手自栽。
喜見唐昌舊顏色，爲君判病酌金壘。

和陳表用員外來酒

暑天頻雨亦頻晴，簾外閒雲重復輕。
珍重一壺酬絕唱，向風遙想醉吟聲。

納后侍宴三絕

時平物茂歲功成，重翟排雲到玉京。
四海未知春色至，今宵先入九重城。

銀燭金爐禁漏移，月輪初照萬年枝。
造舟已似交王事，卜世應同八百期。

漢主承乾帝，道光天家花燭宴。
昭陽六衣盛禮如金屋，彩筆分題似栢梁。

柳枝詞十首

應制

金馬辭臣賦小詩，梨園弟子唱新詞。
君恩還似東風意，先入靈和蜀柳枝。

百草千花共待春，綠楊顏色最驚人。
天邊雨露年年在上苑，芳華歲歲新年。

長愛龍池二月時，氍毹金線弄春姿。
假饒葉落枝

空後更有梨園笛裏吹

綠水成文柳帶搖東風初到不鳴條龍舟欲過偏
留戀萬縷輕絲拂御橋

百尺長條宛麴塵詩題不盡畫難真憑君折向人
間種還似君恩處處春

風煖雲開晚照明翠條深映鳳凰城人間欲識靈
和態聽取新詞玉管聲

醉折垂楊唱柳枝金城三月走金羈年年爲愛新
條好不覺蒼華也似絲

新春花柳競芳姿偏愛垂楊拂地枝天子偏教詞

客賦宮中要唱洞簫詞

凝碧池頭蘸翠漣
鳳凰樓畔簇晴煙
新詞欲詠知難詠
說與雙成入管絃
侍從甘泉與未央
移舟偏要近垂楊
櫻桃未綻梅花老
折得柔條百尺長

寄題毗陵驛

曾持使節駐毗陵
長與州人有舊情
爲向驛橋風月道
舍人髭鬢白千莖

春盡日游後湖贈劉起居

劉時方
澆藥

今朝湖上送春歸
萬頃澄波照白髭
笑折殘花勸

君酒金丹成熟是何時

送察院李侍御使廬陵因寄孟員外

繡衣乘驛急如星
山水何妨寄野情
肯向九仙臺
下歇閒聽孟叟醉吟聲

聽霓裳羽衣曲送陳君

清商一曲遠人行
桃葉津頭月正明
此是開元太平曲
莫教偏作別離聲

附

湯悅

後主時宰相本殷文圭子名崇義入宋避諱改姓名嘗同鉉撰江南錄

徐錯

鉉弟見後

蕭或 字文或 官至少卿

孫峴 字文山 南康人 官郎中 辟江王景暹記室 卒

謝仲宣 嘗爲齊王景達宮僚 見陸游書陳覺傳

鍾禱 字德林 東郡尹勤政殿學士 國亡時 衣朝服 死節

喬舜 字亞元 高郵人 屬文典贍 初爲秘書省正字 保大中 晉中書舍人 以諫親征 貶官 後主起

爲司農少卿 終刑部侍郎 本名匡舜 後人避宋諱 改

王沂 二人無考

陳元裕

史館庭梅 見其毫末 歷載三十 今已半枯 嘗僚諸公 唯相公與鉉在耳 覩物興感 率成短

篇謹書獻上伏惟垂覽 鉉上

東觀婆娑樹曾憐甲坼時繁英共攀折芳歲幾推
移往事皆陳迹清香亦暗衰相看宜自喜雙鬢合
垂絲

鼎臣學士侍郎以東館庭梅昔翰苑之毫末
今復半枯向時同僚零落都盡素髮垂領茲
唯二人感舊傷懷發於吟詠惠然好我不能
無言輒次來韻攀和 悅上

憶見萌芽口還憐合抱時舊歡如夢想物態暗遷
移素艷今無幾朱顏亦自衰樹將人共老何暇更

悲絲

再次前韻代梅答 悅再上

託植經多稔頃筐向盛時枝條雖已改情分不曾
移莫訝塔前老還同鏡裏衰更應憐墮葉殘吹桂
蟲絲

太傅相公深感庭梅再成絕唱曲垂借示倍
認知憐謹用舊韻攀和 鉉再上

禁省繁華地含芳自一時雪英開復落紅藥植還

移

謂嘗爲翰林
又爲史館

靜想分今昔頻吟歎盛衰多情共

如此爭免鬢成絲

太傅相公以東觀庭梅西垣舊植昔陪盛賞
今獨家兄唱和之餘俾令攀和輒依本韻伏
媿斐然 錯上

靜對含章樹

漢有含章
簷下樹

閒思共賞時香隨荀令在

根異武昌移物性雖播落人心豈變衰唱謝勝笛
曲來往韻朱絲

鼎臣學士侍郎楚金舍人學士以再傷庭梅
詩同垂寵和清絕感歎情致俱深因成四十
字陳謝 悅上

人物同遷謝重成念舊悲連華得瓊玖合奏發墳

篋餘楫雖無取殘芳尚獲知問君何所似珍重杜
秋詩

太傅相公以庭梅二篇許舍弟同賦再迂藻
思曲有虛稱謹依韻奉和庶申感謝 鉉上

舊眷終無替流光自足悲攀條感花萼和曲許墳
篋前會成春夢何人更已知緣情聊借喻爭敢道
言詩

太傅相公與家兄梅花詠唱許綴末篇再賜
新詩俯光拙句謹奉清韻用感鈞私伏惟采

覽 錯上

重歎梅花落非關塞笛悲論文叨接萼末曲媿吹

箎

毛詩云仲氏吹箎

枝逐清風動香因白雪知陶鈞敷友

悌更賦邵公詩

送鍾員外詩

并序

歲辛亥冬十月天子命吾友德林爲東府亞尹
太弟諭德蕭君泊諸客餞于石頭城雲日蒼茫
園林搖落樽酒將竭征批欲飛處者眷眷而不
能廻行者遲遲而不忍去煙生景夕風靜江平
君子曰公足以減私子當促棹詩所以言志我
當分題故以風月松竹山石寄情於贈別云爾
兵部員外郎知制誥徐鉉序

賦石奉送德林少尹員外 鉉上

我愛他山石中含絕代珍煙披寒落落沙淺靜磷

磷翠色辭文陛清聲出泗濱扁舟載歸去知是汎
槎人

賦月 蕭彧上

麗漢金波滿當筵玉竿傾因思頻聚散幾復換虧
盈光徹離襟冷聲符別管清那堪還目此兩地倚
樓情

賦竹 孫峴上

萬物中蕭灑修篁獨逸羣貞姿曾冒雪高節欲凌
雲細韻風初發濃煙日正曛因題偏惜別不可暫
無君

賦松 謝仲宣上

送人多折柳唯我獨吟松若保歲寒在何妨霜雪
重森梢逢靜境廓落見孤峰還似君高節亭亭豈
繼蹤

賦風 王沂上

靜追蘋末興况復值蕭條猛勢資新雁寒聲伴暮
潮過山雲散亂經樹葉飄颻今日煙江上征帆望
望遙

賦山別諸知己 鍾禕上

暮景江亭上雲山入望多只愁辭輦轂長恨隔嵯

峨有意圖功業無心憶薜蘿親朋將遠別且共醉

笙歌

送德林郎中學士赴東府詩

并序

德林始以才術優瞻入參近司旋以地望清雅
寵登書殿會東畿克復上以君有遺愛於淮海
之都故輟侍從之班攝尹正之任吾一二親友
共饒行舟鉉也不才請以言贈理大國若烹小
鮮言不可撓之也况亂後乎德林當本仁守信
體寬務斷大兵之後民各思又聽其自理任其
自營爲之上者導其蒙遏其淫而已示之以聰
明則民益逃禡之以禁令則民重困棄仁則吏
暴失信則衆惑急則民傷不斷則民懈慎此四
者何姓而不臧噫嗟吾黨皆忘形者也平生以
乘舟會者幾何思當鸞天湘聞舟輿不接聞口
而笑攜手而遊在吾輩勉之而已忘身徇國急
病讓夷德林此行宜減離急蓋各賦
一物以爲贈乎九月十七日鉉序

得江

喬彞上

摻袂向江頭朝宗勢未休何人乘桂楫之子過揚州
颯翹沙雁漂漂逐浪鷗欲知離別恨半是淚和流

得酒

徐鉉上

酌此杯中物茱萸滿把秋今朝將送別他日是忘
憂世亂方多事年深易得愁政成頻一醉亦未減
風流

得菊

蕭颯上

離情折楊柳此別異春哉含露東籬豔汎香南浦

杯惜持行次贈留插醉中迴暮齒如能制玉山甘
判頽

得遠山 徐錯上

瓜步妖氛滅崑崗草樹清終朝空極望今日送君
行報政秋雲靜微吟曉月生樓中長可見持用滅
離情

得水 陳元裕上

上善湛然秋恩波洽帝猷謾言生險浪豈爽見安
流汎去星槎遠澄來月練浮滔滔對離酌入洛稱
仙舟

得新鴻別諸同志 鍾喬上

隨陽來萬里，點點度遙空。
影落長江水，聲悲半夜風。
殘秋辭絕漠，無定似驚蓬。
我有離羣恨，飄飄類此鴻。

戊籤餘三十 至三十
三同卷

唐音統籤卷 七百七
十八

徐鍇字楚金廣陵人起家元宗朝後主以爲屯田
郎中知制誥集賢殿學士酷嗜讀書博記精小學
工詩文與兄鉉齊名列近侍時方晉之二陸而鍇
獨於江南未破前病卒自幸得免倖虜云集十五
卷國亡散佚今存詩五篇 見三篇附
見兄鉉集

秋詞

詩史云鍇十餘歲羣從宴集分題
賦詩令爲秋詞援筆立成其畧曰

井梧紛墮砌塞鴈遠橫空雨久莓苔紫霜濃薜荔

紅

同家兄哭喬侍郎

事見
鉉集

諸公長者鄭當時事事無心性坦夷但是登臨皆有作未嘗相見不伸眉生前適意無過酒身後遺言只要詩三日笑談成理命一篇投弔尚應知

戊籤餘三十一

孟賓于字國儀連州人少孤力學自湖湘赴洛應舉天福九年登第還鄉爲馬氏從事後歸南唐爲

塗陽令坐繫赦歸後主起爲水部員外致仕

李中集序

其銜爲朝議大夫守尚書水部郎中武騎尉云

初居吉州玉笥山自號羣

玉峯叟後還連上有金鼇集二卷今存詩八篇

馬令

南唐書本傳云李若虛侍郎廉察沅湘賓于以詩數百篇獻之若虛採警策數聯譽諸朝廷由是詩

名益振 王禹偁嘗云古詩人有三水部謂何遜
張籍及賈于也 陳堯佐敘賈于詩謂如百丈懸
流灑落蒼翠間清
雄犇放豎人毛骨

蟠溪懷古

良哉呂尚父深隱始歸周釣石千年在春風一水
流松根盤蘚石花影臥沙鷗誰更懷韜術追思古
渡頭

懷連上舊居

閒思連上景難齊樹遶仙鄉路遠溪明月夜舟漁
父唱春風平野鷓鴣啼城邊寄信歸雲外花下傾
杯到日西更憶海陽垂釣侶昔年相遇草萋萋

公子行

錦衣紅奪彩霞明
侵曉春遊向野庭
不識農夫辛苦力
驕驄踏爛麥青青

湘江亭

獨宿大中年裏寺
樊籠得出事無心
寒山夢覺一聲聲
霜葉滿林秋正深

題梅仙館

仙界路遙雲縹緲
古壇風冷葉蕭騷
後來豈合言淹滯
一尉昇騰道最高

題顏氏亭字

南唐書顏淵居木川雅詞翰家
法護肅所居依泉石築亭樹開

軒四敞碧鮮叢連翠微環列蕭爽之趣杜絕塵囂名士賓于輩各爲詩以述其幽隱園林蕭灑聞來久欲訪因循二十秋今日開襟吟不盡碧山重疊水長流

下第詩

郡閣雅談云賓于應舉卜於華山神驗每年下第有一交凡六擲而得吉兆後果詩畧舉於左

蟾宮空手下澤國更誰來

第舉

水國二親應探榜龍門三月又傷春

二舉

仙鳥却回空說夢清朝未達自嫌身

三舉

失意從他桃李春嵩陽經過欲行塵雲僧不見城

中事問是今年第幾人

四舉

唐音統議

卷七百七十八

三

七

因逢日者教重應忍被雲僧勸却歸

五舉

獻主司

六舉
登第

邠堪雨後更聞蟬溪隔重湖路七千憶昔故園楊

柳岸全家送上渡頭船

主司得詩自謂得賓于之
挽後賓于致仕歸連上過

廬陵吉守贈詩有今日還家莫
惆悵不同初上渡頭船用此

句

遠樹連沙靜閒舟入浦遲

夏口
曲江

簾垂群吏散蒼

長訟庭閒

贈徐明府
正詩中旨格

去年曾折處今日又垂

條

柳
吟聽雜錄
以下

早知落處隨疎雨悔得開時順暖

風

落
花

千家簾幕春空在幾處樓臺月自明

落
花

騰雪化爲流水去春風吹出好山來

雲

昔日聲

塵喧洛下近年詩句滿江南

寄李助

匝地人家凭

檻見遠山秋色捲簾看

永州法華寺高軒詩話總龜

戊籤三十二

張泌

諸家詩選泌作泌今從馬陸二家南唐書改正

淮南人初官句容尉

上書言治道後主徵爲監察御史官至內史舍人

入宋後歸家毗陵詩一卷

後上壬申歲泌知貢舉試天雞弄和風泌但以

文選中詩句爲題未嘗詳究有進士白云爾雅輅

天雞輪天雞未知孰是必大驚不能對亟取爾雅

檢一在釋蟲一在釋鳥果有二因自失放進士三

人學士張洎言必多遺復命洎試放五人金陵破

後主以藏金私遺近臣辦裝必得金二百詣曹

彬陳首請奏其事彬薄之以金輸官而不以聞

春晚謠

雨微微煙霏霏小庭半折紅薔薇
鈿箏斜倚畫屏曲零落幾行金鴈飛
蕭關夢斷無尋處萬疊春波起南浦
凌亂楊花撲繡簾晚牕時有流鶯語

春江雨

雨漠漠風泠泠老松瘦竹臨煙汀
空江冷落野雲重雲中孤月微如星
夜驚溪上漁人起滴瀝蓬蓬聲
滿愁耳子規叫斷獨未眠
菴岸春濤打船尾

所思

空塘水碧春雨微東風散漫楊柳飛
依依南浦夢

猶在脉脉高唐雲不歸江頭日莫多芳草極目傷
心煙悄悄隔江紅杏一枝明似玉佳人俯清沼休
向春臺更迴望銷魂自古因惆悵銀河碧海共無
情兩處悠悠起風浪

送容州中丞赴鎮

交趾同星坐鶴泉佩斗文燒香翠羽帳看舞鬱金
裙鶴首衝瀧浪犀渠拂嶺雲莫教銅柱北祇說馬
將軍

碧戶

碧戶扃魚鑠蘭牕掩鏡臺落花疑悵望歸燕自徘徊

屋宇新修
猶咏絮知難敵傷春不易裁恨從芳草起愁爲晚
風來衣惹湘雲薄眉分楚岫開香濃眠倦枕夢好
醉春杯小障明金鳳幽屏點翠苔寶箏橫塞雁怨
笛落江梅卓氏仍多酒相如正富才莫教琴上意
翻作鶴聲哀

惆悵吟

秋風丹葉動荒城慘澹雲遮日半明書夢却因惆
悵得晚愁多爲別離生江淹彩筆空畱恨莊叟玄
譚未及情千古怨魂銷不得一江寒浪若爲平

春夕言懷

風透疎簾月滿庭倚闌無事倍傷情煙垂柳帶纖
腰軟露滴花房怨臉明愁逐野雲銷不盡情隨春
浪去難平幽牕漫結相思夢欲化西園蝶未成

長安道中蚤行

客離孤館一燈殘牢落星河欲曙天雞唱未沉函
谷月鴈聲新度灞陵煙浮生已悟莊周夢壯志仍
輸祖逖鞭何事悠悠策羸馬此中辛苦過流年

秋晚過洞庭

征帆高掛酒初酣莫景離情兩不堪千里晚霞雲
夢北一洲霜橘洞庭南溪風送雨過秋寺磻石驚

泉落夜潭莫把羈魂弔相魄九疑愁絕鎖煙嵐

洞庭阻風

空江浩蕩景蕭然盡日菰蒲泊釣船青草浪高三
月渡綠楊花撲一溪煙情多莫舉傷春日愁極更
無買酒錢猶有漁人數家住不成村落夕陽邊

春日旅泊桂州

曉風芳草竟芊綿多病多愁負少年弱柳未勝寒
食雨好花爭奈夕陽天溪邊物色宜圖畫林畔鶯
聲似管絃獨有離人開淚眼強憑杯酒亦潸然

晚次湘源縣

煙郭遙聞向晚雞
水平舟靜浪聲齊
高林帶雨楊梅熟
曲岸籠雲謝豹啼
二女廟荒汀樹老
九疑山碧楚天低
湘南自古多離怨
莫動哀吟易慘悽

邊上

戍樓吹角起征鴻
獵獵寒旌背晚風
千里暮煙愁不盡
一川秋草恨無窮
山河慘澹關城閉
人物蕭條市井空
只此旅魂招未得
更堪回首夕陽中

題華嚴寺木塔

六街晴色動秋光
雨霽憑高只自傷
一曲晚煙浮渭水
半橋斜日照咸陽
休將世路悲塵事
莫指雲

山認故鄉回首漢宮樓閣暮數聲鍾鼓自微茫

贈韓道士

日暮秋風吹野花上清歸客意無涯桃源寂寂煙霞閉天路悠悠星漢斜還似世人生白髮定知仙骨變黃芽東城南陌頻相見應是壺中別有家

芍藥

香清粉澹怨殘春蝶翅蜂鬚戀藥塵閒倚晚風生
悵望靜畱遲日學因循休將薜荔爲青瑣好與玫瑰作近鄰零落若教爲暮雨又應愁殺別離人

經舊遊

暫到高唐曉又還丁香結夢水潺潺不知雲雨歸
何處歷歷空留十二山

寄人二首

別夢依依到謝家小廊回合曲闌斜多情只有春
庭月猶爲離人照落花

酷憐風月爲多情還到春時別恨生倚柱尋思倍
惆悵一場春夢不分明

惜花

蝶散鶯啼尚數枝日斜風定更離披看多記得傷
心事金谷樓前委地時

戊籤餘三十三

韓旣江南人字闕無考詩一卷宋志今存七篇

潯陽觀水

朝宗漢水接陽臺
哈呀填坑吼作雷
莫見九江平穩去
還從三峽險巖來
南經夢澤寬浮日
西出岷山劣泛杯
直至滄溟涵貯盡
沉深不動浸昭回

水

方圓不定性空求

一作柔

東注滄溟早晚休
高截碧

塘長耿耿遠飛青
嶂更悠悠瀟湘月
浸千年色夢澤煙
含萬古愁
別有嶺頭嗚咽處
爲君分作斷腸

流

松

倚空高檻冷無塵
往事閒徵夢欲分
翠色本宜霜
後見寒聲偏向月中聞
啼猿想帶蒼山雨
歸鶴應和紫府雲
莫向東園競桃李
春光還是不容君

柳

雪盡青門弄影微
暖風遲日早鶯歸
如憑細葉留
春色須把長條繫
落暉彭澤有情還鬱鬱
隋堤無主自依依
世間惹恨偏饒此
可是行人折贈稀

竹

樹色連雲萬葉開

王孫一家

不厭滿庭栽
陵霜盡

節無人見終日虚心待鳳來
誰許風流添興詠
自

憐瀟灑出塵埃
朱門處處多閒地
正好移陰覆

一作

結
翠苔

鵲

纔見離巢羽翼開
盡能輕颺出塵埃
人間樹好紛
紛占天上橋成草
草回幾度送風臨
玉戶一時傳
喜到粧臺若教顏
色如霜雪應與清
平作瑞來

燈

分影由來恨不同
綠牕孤館雨何窮
熒煌短焰長

疑暗零落殘花旋委空幾處隔簾愁夜雨誰家當
戶怯秋風莫言明滅無多重曾比人生一世中以上
七詩一二七文苑英華互
作韓喜喜亦未詳何許人

句

門掩落花人別後
牕含殘月酒醒時

愁詩
吟牕雜錄

戊籤餘三十四

唐音統籤卷

七百七十九

李中字有中九江人仕南唐登仕郎守新淦縣令

碧雲集三卷

唐志無宋志有

今編六卷

孟賓于撰集序摘其警聯五言如春

日乾坤一夕兩草木萬方春姑蘇懷古歌舞一場
夢煙波千古愁書王秀才壁貧來賣書劒病起憶
江湖聽琴秋月空山寂淳風一夜生寒江暮泊煙
火人家遠汀洲暮雨寒秋雨秋聲在梧葉潤氣逼
書韓江行夜泊半夜風雷過一天星斗寒寄友閒
花半落落處幽客未來時得故人消息夢歸殘月曉
信到落花時聽聽泉誰當秋響後獨聽月明中七言
知宿廬山道院雲開碧落星河近月出滄溟世界
秋海上秋日書懷千里夢隨殘月斷一聲蟬送早
秋來登眺陵青山樓千里吳山青不斷一邊遼海
浸無窮並緣情入妙麗則可知然諸聯
自是詩家中駟意舍此或無可銓爾

五言律詩一

江南春

千家事勝遊景物可忘憂
水國樓臺晚春郊煙雨
收鴈鵠啼竹樹杜若媚汀洲
永巷歌聲遠王孫會
莫愁

閒居言懷

未達難隨衆從他俗所憎
閒聽九秋雨遠憶四明
僧病後倦吟笑貧來疎友朋
寂寥元合道未必是
無能

春日作

和氣來無象物情還暗新
乾坤一夕雨草木萬方

春染水煙光媚催花鳥語頻高臺曠望處歌詠屬
詩人

廣陵寒食夜

廣陵寒食夜豪貴足佳期紫陌人歸後紅樓月上
時綺羅香未歇絲竹韻猶遲明日踏青輿輸他輕
薄兒

江村晚秋作

高秋水村路隔岸見人家好是經霜葉紅於帶露
花臨罾魚易得就店酒難賒吟興胡能盡風清日
又斜

秋夕病中作

臥病當秋夕，悠悠枕上情。
不堪拋月色，無計避蟲聲。
煎藥惟憂澁，停燈又怕明。
曉臨清鑑裏，應有白髭生。

病中作

閒齋病初起，心緒復悠悠。
開篋羣書蠹，聽蟬滿樹秋。
詩魔還漸動，藥債未能酬。
爲憶前山色，扶持上小樓。

書小齋壁

其誰肯見尋，冷淡少知音。
塵土侵閒榻，煙波隔故

林竹風醒晚醉牕月伴秋吟道在唯求已明時豈
陸沉

江館秋思因成自勉

江邊候館幽汀鳥暝煙收客思雖悲月詩魔又愛
秋聲名都是幻窮達未能憂散逸憐漁父波中漾
小舟

所思

此首末句缺四字
已下又缺八首

離思春來切誰能慰寂寥花飛寒食過雲重楚山
遙耿耿夢徒往悠悠鬢易彫那堪對明月獨

月二
已未歲冬捧宣頭離下祭

詔下如春煦巢南志不違空將感恩淚滴盡冒寒
衣覆載元容善形骸果得歸無心慙季路負米覲
親聞

晉陵縣夏日作

事簡公庭靜開簾暑氣中依經煎綠茗入竹就清
風至論招禪客忘機憶釣翁晚涼安枕簟海月出
牆東

春日途中作

千祿趨名者迢迢別故林春風短亭路芳草異鄉

心雨過江山出鶯啼村落深未知將雅道何處謝知音

秋日途中

竹林已蕭索客思正如攆舊業吳江外新蟬楚驛頭遙天疎雨過列岫亂雲收今夕誰家宿孤吟月色秋

客中寒食

旅次經寒食思鄉淚溼巾音書天外斷桃李雨中春欲飲都無緒唯吟似有因輸他郊郭外多少踏青人

旅館秋夕

寥寥山館裏，獨坐酒初醒。
舊業多年別，秋霖一夜聽。
切菴聲漸息，牕燭影猶停。
蚤晚無他事，休如泛水萍。

郵亭蚤起

郵舍殘燈在，村林雜唱頻。
星河吟裏曉，川陸望中春。
舊友青雲貴，殊鄉素髮新。
悠悠念行計，難更駐征輪。

舟次彭澤

飄泛經彭澤，扁舟思莫窮。
無人秋浪晚，一岸蓼花

風鄉里夢漸遠交親書未通
今宵見圓月難坐冷
光中

江行夜泊

扁舟倦行役寂寂宿江干
半夜風雷過一天星斗
寒孟賓于云恐怖潮平沙紫沒霜苦
鴈聲殘漁父
何疎逸扣船歌未闌

姑蘇懷古

闔閭興霸日繁盛復風流
歌舞一場煙波千古
愁樵人歸野逕漁笛起
扁舟觸目感將行又
駐畱

王昭君

蛾眉翻自累萬里陷窮邊
滴淚胡風起寬心漢月
圓飛塵長翳日白草自連
天誰貢和親策千秋汚
簡編

讀蜀志

鼎分天地日先主力元微
魚水從相得山河遂有
歸任賢無問忌報國盡
神機草昧爭雄者君臣似
此稀

魏夫人壇

仙壇遺跡在苔合落花明
絳節何年返白雲終日

生旋新芳草色依舊偃松聲欲問希夷事音塵隔
上清

經古寺

殿宇半隳摧門臨野水開雲凝何代樹草蔽此時
臺達塔堆黃葉沿階積綠苔踟躕日將暮栖鳥入
巢來

遊玄真觀

閒吟遊古觀靜慮想神仙上景非難度陰功不易
全醮壇松作蓋丹井蘚成錢浩浩紅塵裏誰來叩
自然

宿鍾山知覺院

宿投林下寺中夜覺禪濟磬罷僧初定山空月又
生籠燈吐冷艷古樹起寒聲待曉紅塵裏依前冒
遠程

宿山中寺

寄宿深山寺惟逢老病僧風吹幾世樹雲暗暮秋
燈瞑目忘塵慮談空入上乘明晨返名路何計戀
南能

宿青溪米處士幽居

寄宿溪光裏夜涼高士家養風牕外竹叫月水中

蛙靜裏同搜句清神旋煮茶唯憂曉雞唱塵裏事
如麻

書王秀才壁二首

蘇臺蹤跡在曠望向江濱往事誰堪問連空草自
春花疑西子臉濤憑任習靜吟盡情難盡斜陽照
路塵

茅舍何寥落門庭長綠蕪貧來賣書劔病起憶江
湖對枕暮山碧伴吟涼月孤前賢多晚達莫歎有
霜鬚

書蔡隱士壁

病後霜髭出衡門寂寞中蠹侵書帙損塵覆酒罇
空池暗菰蒲雨逕香蘭蕙風幽閒已得趣不見卜
窮通

春晚招魯從事

袞袞利名役常嗟聚會稀有心遊好景無術駐殘
暉南陌草爭茂西園花亂飛期君舉杯酒不醉莫
言歸

訪徐長史畱題水閣

君家池閣靜一到且淹畱坐聽蒹葭雨如看島嶼
秋杯盤深有興吟笑迥忘憂更愛幽音處雙雙下

野鷗

訪蔡文慶處士畱題

幽人棲息處一到滌塵心
蘚色花陰澗葦聲竹逕
深籬根眠野鹿池面戲
江禽多謝相畱宿開樽拂
素琴

訪山叟畱題

策杖尋幽客相攜入竹扃
野雲生晚砌病鶴立秋
庭茶美睡心爽琴清塵慮
醒輪蹄應少到門巷草
青青

訪龍光智謙上人

春
卷
三
忽起尋師興穿雲不覺勞相畱看山雪盡日論風
騷竹影搖禪榻茶煙上毳袍夢魂曾去否舊國阻
波濤

訪澄上人

尋師來靜境神骨覺清涼一餉逢秋雨相畱坐竹
堂石渠堆敗葉莎砌咽寒螿話到南能旨怡然萬
慮忘

舟次吉水逢蔡文慶秀才

別後音塵斷相逢又共吟雪霜今日鬢煙月舊時
心臙棹夕陽在聽鴻秋色深一罇開口笑不必話

昇沉

清溪逢惟貞秀才

洞隱紅霞外
房開碧嶂根
昔年同鍊句
幾夜共聽猿
考古書千卷
忘憂酒一樽
如今歸建業
雅道喜重論

都下再會友人

誰言多難後
重會喜淹留
欲話關河夢
先驚鬢髮秋
浮雲空冉冉
遠水自悠悠
多謝開青眼
攜壺共上樓

江南重會友人感舊二首

江南重會面聊話十年心
共立黃花畔空驚素髮
侵斜陽浮遠水歸鳥下疎林
牽動詩魔處涼風村
落砧

長江落照天物景似當年
憶昔攜村酒相將上釣
船狂歌紅蓼岸驚起白鷗眠
今日趨名急臨風一
黯然

得故人消息

多難分離久相思每淚垂
夢歸殘月曉信到落花
時未必乖良會何當有後期
那堪樓上望煙水接
天涯

思舊遊有感

長憶銜杯處，醪尚未闌。江南正煙雨，樓上恰春寒。
好樹藏鶯密，平蕪徹野寬。如今無處覓，音信隔波瀾。

春日野望懷故人

野外登臨望，蒼蒼煙景昏。暖風醫病草，甘雨洗荒村。
雲散天邊野，潮迴島上痕。故人不可見，倚杖復吟魂。

懷王道者

閒思王道者，逸格世難羣。何處眠青嶂，從來愛白

雲酒沾應獨醉藥熟許誰分正作趨名計如何得見君

覽友人卷

新詩開卷處處造化竭精英雪霽楚山碧月高湘水清初吟塵慮息再味古風生自此寰區內喧騰二雅名

勉同志

讀書與磨劒且夕但忘疲儻若功名立那愁變化遲塵從侵硯席苔任滿庭墀明代搜揚切升沉自可知

漁父

煙冷暮江濱，高歌散誕身。
移舟過蓼岸，待月正綵
綸亦與樵翁約，同遊酒市春。
白頭雲水上，不識獨醒人。

獻中書韓舍人

丹墀朝退後，靜院卽冥搜。
盡日捲簾坐，前峯當檻
秋烹茶留野客，展畫看滄洲。
見說東林夜，尋常秉燭遊。

贈致仕沈彬郎中

自言婚嫁畢，塵事不關心。
老去詩魔在，春來酒病

月音新集
深山翁期採藥海月伴鳴琴多謝維舟處相畱接
靜吟

寄贈致仕沈彬郎中

鶴氅換朝服逍遙雲水鄉有時乘一葉載酒入三
湘塵夢年來息詩魔老更狂尊羹與鱸膾秋興最
應長

贈胸山楊宰

訟閒徵賦畢吏散卷簾時聽雨入秋竹畱僧覆舊
棋得詩書落葉煮茗汲寒池化俗功成後煙霄會
有期

贈海上觀音院文依上人

煙霞海邊寺高臥出門慵白日少來客清風生古
松虛牕從燕入壞屐任苔封幾度陪師話相聞到
暮鍾

贈上都紫極宮劉日新先生

道德吾君重含貞本去華因知鍊神骨何必在煙
霞碁散庭花落詩成海月斜瀛洲舊仙侶應許寄
丹砂

貽毘陵正勤禪院奉長老

隨緣駐瓶錫心已悟無生默坐煙霞散閒觀水月

明竹深風倍冷堂迥磬偏清願作傳燈者忘言學
淨名

戊籤餘三十四李中之二

唐音統籤卷

七百八

五言律詩二

海上載筆依韻酬左偃見寄

都城分別後海嶠夢魂迷吟興疎煙月邊情起鼓
聲戍旗風颭小管柳霧籠低草檄無餘刃難將阮
瑀齊

依韻和蠡澤王去微秀才見寄

咫尺風騷客難諾面繼酬相思對煙雨一鴈下江
洲花影誰家塢笛聲何處樓櫓節朗吟罷搔首獨
遲留

依韻和友人秋夕見寄

夕風庭葉落誰見此時情不作關河夢空聞砧杵
聲會須求至理何必歎無成好約高僧宿同看海
月生

依韻和智謙上人送李相公赴昭武軍

暫別廟堂上雄藩去豁情秋風生鴈渚晚霧溼龍
旌吟裏過侯服夢中歸帝城下車軍庶樂千里月
華清

依韻酬智謙上人

性拙才非逸同心友亦稀風昏秋病眼霜溼夜吟

衣鷲谷期猶負蘭陔養不違吾師惠佳句勝得楚

金歸

和彭正字喜雪見寄

千門忻應瑞偏稱上樓看密灑虛應曉狂飄大野
寒園深宜竹樹一作簾卷洽盃盤一作豐年兆黎

民意盡安

和毘陵尉曹昭用見寄

決獄多餘暇冥搜萬象空卷簾疎雨後鏤印夕陽
中還往多名士編題尚古風宦途知此味能有幾

人同

吉水作尉時酬闕侍御見寄

謬佐驅雞任常思賦鵬人

時闕公謫官吉州

未諧林下釣

空感病來身鏤逕青苔老鋪階紅葉新相思不可見猶喜得書頻

吉水作尉酬高援秀才見贈

佐邑慙無術敢言貧與清風曠誰是生烟月自關情卷箔當山色開牕就竹聲憐君惠嘉句資我飲

垂名

和易秀才春日見寄

每恨多流落吾徒不易親相逢千里客共醉百花

春小檻山當面閒塔柳拂塵何時卜西上明月桂
枝新

吉水寄閩侍御

時公謫
官瀑川

何處懷君切令人欲白頭偶尋花外寺獨立水邊
樓不得論休戚何因校獻酬吟餘興難盡風笛起
漁舟

春日書懷寄胸山孫明府

一作邊城客閒門兩度春鶯花深院兩書劒滿牀
塵紫閣期終負青雲道未伸猶憐陶靖節詩酒每
相親

聽蟬寄胸山孫明府

忽聽新蟬發客情其奈何西風起槐柳故國阻煙
波攏笛悲猶少巴猿恨未多不知陶靖節還動此
心麼

新喻縣偶寄彭仁正字

經年離象魏孤宦在南荒酒醒公齋冷雨多歸夢
長志難酬國澤術欠致民康吾子應相笑區區道
未光

寒江暮泊寄左偃

維舟蘆荻岸離恨若爲寬煙火人家遠汀洲暮雨

寒天涯孤夢去蓬底一燈殘不是憑豔雅相思寫
亦難

寄左偃

每病風騷路荒涼人莫避惟君還似我成癖未能
休捨寐緣孤月忘形爲九秋垂名如不朽那恨雪
生頭

言志寄劉鈞秀才

童稚親儒墨時平喜道存酬身指書劍賦命委乾
坤秋爽鼓琴興月清禮句魂與君同此志終待至

公論

寄劉鈞秀才

掩戶當春晝，知君志在詩。
閒花半落處，幽客未來時。
野鳥穿沙逕，江雲過竹籬。
會須明月夜，與子水邊期。

寄黃鶚秀才

長憶狂遊日，惜春心恰同。
預愁花片落，不遣酒壺空。
草軟眠難捨，鶯嬌聽莫窮。
如今千里隔搔首，對秋風。

寄廬山莊隱士

煙蘿擁竹關，物外自求安。
逼枕溪聲近，當簷岳色

寒藥苗應自採琴調對誰彈待了浮名後依君共
掛冠

書情寄詩友

默默誰知我徘徊野水邊詩情長若舊吾事更無
先芳草人稀地殘陽鴈過天靜思吟友外此意復
誰憐

喜春雨有寄

青春終日雨公子莫思晴任阻西園會且觀南畝
耕最憐滋穰麥不恨溼林鴛父老應相賀豐年兆
已成

秋夕書事寄友人

信斷關河遠，相思秋夜深。
砌蛩聲咽，簷月影沉。
沉未遂青雲志，那堪素髮侵。
吟餘成不寐，徹曙四鄰砧。

江行晚泊寄淦城知友

孤舟相憶久，何處倍關情。
野渡帆初落，秋風蟬一聲。
江浮殘照濶，雲散亂山橫。
漸去淦城遠，那堪新月生。

離亭前思有寄

酒醒江亭客，纏綿恨別離。
笙歌筵散後，風月夜長。

時耿耿看燈暗悠悠結夢遲若無騷雅分何計達
相思

春宴寄從弟德潤

相思禁煙近樓上動吟魂水國春寒在人家暮雨
昏朱橋通竹樹香徑匝蘭蓀安得吾宗會高歌醉
一樽

宿山店書懷寄東林令圖上人

一宿山前店旅情安可窮猿聲鄉夢後月影竹牕
中南楚征途濶東吳舊業空虎溪蓮社客應笑此
飄蓬

寄盧岳鑒上人

岳寺棲瓶錫常人親亦難病披青衲重晚剃白髮
寒烘壁茶煙暗填溝木葉乾昔年皆禮謁頻到碧
雲端

送閻侍御歸闕

羨君乘紫詔歸路指通津鼓棹煙波暖還京雨露
新趨朝丹禁曉聳轡九衢春自愧湮沉者隨軒未
有因

送張惟貞少府之江陰

相送煙汀畔酒闌登小舟離京梅雨歇到邑早蟬

秋俗必期康濟詩誰互唱酬晚涼諸吏散海月入
上一作虛樓

送姚端先輩歸寧

知君歸覲省稱意涉通津解纜汀洲曉張帆煙水
春牽吟芳草遠貫酒亂花新拜慶庭闈處蟾枝香
滿身

送汪濤

知君別家後不免淚霑襟芳草千里路夕陽孤客
心花飛當野渡猿叫在煙岑霄漢知音在何須恨
陸沉

送孫孔二秀才遊廬山

廬山多勝景偏稱二君遊
松逕蒼苔合花陰碧澗流
傾壺同坐石搜句共登樓
莫學天台客逢山卽駐留

送黃秀才

雨餘飛絮亂相別思難任
酒罷河橋晚帆開煙水深
蟾宮須展志漁艇莫牽心
岐路從茲遠雙魚信勿沉

送戴秀才

已是殊鄉客送君重慘然
河橋乍分首槐柳正鳴鶯

蟬短棹離幽浦孤帆觸遠煙清朝重文物變化莫
遷延

送人南遊

浪跡天涯去南荒必動情草青虞帝廟雲暗夜郎
城越鳥驚鄉夢蠻風解宿醒早思歸故里華髮等
閒生

送王道士遊東海

巨浸常牽夢雲遊豈覺勞遙空收晚雨虛閣看秋
濤必若思三島應須釣六鼇如通十洲去誰信碧
天高

送紹明上人之毗陵

忽起毗陵念飄然不可留
聽蟬離古寺攜錫上扁舟
月出沙汀冷風高葦岸秋
回期端的否千里路悠悠

送智雄上人

忽起游方念飄然不可留
未知攜一錫乘興向何州
古岸春雲散遙天晚雨收
想應重會面風月又清秋

烈祖孝高挽歌二首

誰解叩乾闥音容去不還
位方尊北極壽忽殞南

山鳳輦應難問龍髯不可攀千秋遺恨處雲物鎖
橋山

仙馭歸何處蒼蒼問且難華夷喧道德陵壠葬衣
冠御水穿城咽宮花泣露寒九疑消息斷空翠白
雲端

哭舍弟二首

鴻鴈離羣後成行憶日存誰知歸故里只得奠吟
魂蟲蠹書盈篋人稀草擁門從茲長慟後獨自奉
晨昏

浮生多天枉惟爾最堪悲同氣未歸日慈親臨老

時舊詩傳海嶠

舍弟有詩云夢斷海山遠
夜長風雨多傳至海上

新塚枕

江湄遺稚鳴鳴處黃昏繞總帷

悼亡

巷深芳草細門靜綠楊低室邇人何處花殘月又
西武陵期已負巫峽夢中迷獨立銷魂久雙雙好
鳥啼

秋雨二首

飄灑當窮巷苔深落葉鋪送寒來客館滴夢在庭
梧逼砌蛩聲斷侵牕竹

一作
燭

影孤遙思漁叟興簑

笠在江湖

殊功

聽鄭羽人彈琴

仙鄉景已清
仙子啓琴聲
秋月空山寂
淳風一夜生
莎間蟲罷響
松頂鶴初驚
因感浮華世
誰憐太古情

旅夜聞笛

長笛起誰家
秋涼夜漏賒
一聲來枕上
孤客在天涯
涯木末風微
動牕前月漸
斜暗牽詩思
苦不獨落梅花

題柳

折向離亭畔春光滿手生羣花豈無艷柔質自多情
夾岸籠溪月兼風撼野鶯隋堤三月暮飛絮想
縱橫

落花

年年三月暮無計惜殘紅
酷恨西園雨生憎南陌
風片隨流水遠色逐斷霞
空悵望叢林下悠悠飲
興窮

庭竹

偶自山僧院移歸傍砌栽
好風終日起幽鳥有時
來篩月牽詩興籠煙伴
酒杯南牕睡輕起蕭颯雨

聲迴

芳草

二月正綿綿離情被爾牽四郊初過雨萬里正鋪
煙眷戀殘花惹畱連醉客眠飄香是杜若最憶楚
江邊

賦得江邊草

岸春芳草合幾處思纏綿向暮江籬雨初晴杜若
煙靜宜幽鷺立遠稱碧波連送別王孫處萋萋南
浦邊

途中聞子規

春穢杜宇愁越客思悠悠雨歇孤村暮花飛遠水
頭微風聲漸咽高樹血應流因此頻迴首家山隔
幾州

鷓鴣

流品是鷺鴦翻飛雲水鄉風高離極浦煙冥下方
塘比鷺行藏別穿荷羽翼香雙雙浴輕浪誰見在
瀟湘